



Zavičajni Klub Zapadna Bosna
10153 Squire Meadows Dr.
St. Louis, MO 63123, USA
(314) 398-2879
zkzbstl@gmail.com
www.zkzb.org

**Dostavlja se: - Uredu za dijasporu Općine Velika Kladuša
- Uredu Općinskog načelnika Velika Kladuša**

Uvažena gospodo predstavnici Općine Velika Kladuša.

Kao organizator 26. Krajiškog Teferića u St. Louisu, država Missouri, a osvrćući se na činjenicu da smo vam uputili pismo poziva za prisustvo na ovoj manifestaciji koje ste zaprimili dana 22. jula 2025. godine putem e-maila, kao i pismo podrške organizatoru 22. Krajiškog Teferića održanom u Vrnograču 9. augusta ove godine, također zaprimljeno 28. augusta 2025. godine, na koja se niste oglasili upućujemo vam sljedeće:

OBAVJEŠTENJE

-obustavljamo upućeni poziv za vaše prisustvo na 26. Krajiškom Teferiću.

Obrazloženje:

Kako smo u pismu naveli, naša namjera i želja bila je da vašim prisustvom, kao i pismom podrške, nastavimo dugogodišnju saradnju između institucije koju vi predstavljate, Općine Velika Kladuša i zajednice „Zavičajni Klub Zapadna Bosna“ u St. Louisu, koja okuplja veći broj građana iseljenika upravo navedene općine.

Cijenjena gospodo, sami znate da je dijaspora bitan faktor u sredini koju vi zastupate, a vođeni činjenicom da se do sada niste oglasili na naš poziv, niti ste pročitali pismo podrške upućeno organizatoru 22. Krajiškog Teferića u domovini, time ste dokazali da vam nije stalo do navedene saradnje i da niste zainteresovani da podržite najznačajniji događaj koji se održava u dijaspori.

Gospodo, Krajiški Teferić je manifestacija koja je započela na ovom kontinentu i zasnovana je na ideji prisjećanja na egzodus koji nam se dogodio 1994. i 1995. godine, sa ciljem druženja i širenja prijateljstva, čije osnove mi niti po bilo koju cijenu ne želimo mijenjati.

Žao nam je što nismo naišli na vaše razumijevanje i saradnju, te vam želimo uspješan rad u onome čega ste se prihvatili.

Srdačan pozdrav, Zavičajni Klub Zapadna Bosna

Predsjednik ZKZB: Husić Zlatko – Šolaja